



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. IV. Quando, & quo loco Legatus Sedis Apostolicæ exercere possit suam jurisdictionem.

[urn:nbn:de:hbz:466:1-61641](#)

gatus à Latere, omnium Legatorum aliorum inferiorum potestas suspenditur, ut nullū hujus exercitum præsente Legato à Latere habeant, c. *Volentes* 8. b. t. & ob hanc ipsam prærogativam dignitatis præcærteris Legatis, concessum est Legatis à Latere, primò ut conferre possint de jure ordinario beneficia sua Provinciæ, ad quam destinati sunt, ita ut cum quolibet ordinario illius Provinciæ concurrent in conferendis beneficiis, & derut locus præventionis (quam potestatem non habent alii Legati ex officio Legationis sibi concessæ, nisi specialiter hoc ipsis concessum sit, prout habetur in c. 1. b. t. in 6.) ita ut possint conferre beneficia in sua provincia sita, etiam si illa sint de jure patronatus Ecclesiastici, non consentiente, & inconsulto etiam Patrono tali, c. *dilectus* 6. b. t. si enim prævenire potest ordinariū collatorem Legatus in conferendo beneficio c. si à sede 31. de prab. in 6. multo magis potest prævenire patronum Ecclesiasticum, & hoc inconsulto conferre beneficium, cùm per collationem talem plus juris quasi adiuvanti collatoris ordinatio, qui confert jus in re, quam patrone, qui confert tantum jus ad rem c. *pastoralis* 29. de jure patro. & quamvis hoc etiam verum sit, de patronatu, qui tantum ex præscriptione, consuetudine, aut speciali privilegio habetur, dici tamen hoc non potest de patronatu laico, qui ex fundatione, dotatione, aut ædificatio- ne Ecclesia habetur, cui nec ipse Pontifex facile derogare censeret, nisi hoc exprimat, ut ne scilicet à fundandis, dotan- dis & ædificandis Ecclesiis absterreantur alij. Quin etiam ea beneficia conferte possunt Legati à Latere, quorum colla-

tio ob negligentiam collatorum inferiorum ad Summum Pontificem devoluta est, cùm ille Papæ vices in Provincia agat; non tamen ea, quæ propter negligentiam Prælatorum regulatum exemptorum, auctoritate Apostolicâ conferre possint Episcopi, juxta clement. I. de suppl. negl. *Præl.* cùm talia beneficia ex speciali delegatione conferat Episcopus: potest autem de jure communi Legatus à Latere non tantum beneficia, ac tamen vacanta conferre, sed etiam nondum vacanta sua collatione reservare, etiam in favorem certæ personæ, cum limitatione tamen prædicta in c. *presenti* 3. b. t. in 6. plura adhuc tam circa collationem beneficio- rum, quam circa alia, quæ Legati à Latere possunt, facilis legentur apud Aut. hic, quam ut pluribus ea referantur, quæ non tantum rari per se usū sunt, sed pleraque etiam Concordatis nostræ Germanie repugnant.

§. IV.

Quando, & quo loco Legatus Sedi Apostolica exercere possit suam jurisdictionem.

Cum primum urbe egressus est, qui Legatus ad Provincias raititur, gerit dignitatem, & potestatem velut in habitu, & idèo in accessu ad Provinciam, ad quam destinatus est, potest gestare sua Legationis insignia arg. legis 1. ff. de off. procons. equo scilicet albo u. vestibus rubris, freno, & calcaribus deauratis: & quamvis ac tamen exercere non possit jurisdictionem suam contentiosam, ante quam Provinciam sibi commissam ingrediatur, potest tamen infirmitate v. g. in itinere præpeditus, delegate jurisdictionis

nis exercitium aliis in Provincia sibi commissa exercendum arg. legis aliquando ff. de off. proconsulis. & voluntariam jurisdictionem exercere circa suos Provinciales etiam extra Provinciam existens sicuti etiam si ad plures Provincias mittatur, potest in qualibet earum non tantum voluntariam, sed contentiosam etiam jurisdictionem circa suos Provinciales exercere, juxta c. novit. 7. h. t.

§. V.

Quibus modis finiatur officium, seu potestas Legati Apostolici?

Quatuor potissimum modis finitur, ut tradit Glos. o. presenti 3. V. finitur legatio h. t. tempore scilicet elapso, ad quod constitutus est Legatus, arg. o. de causis 4. de offic. deleg. secundò si aliquam causam dubiam ad Summum Pontificem detulit, finita est illius jurisdictione, quoad causam talem, c. ticee 5. h. t. tertiò si Provinciam sponte egressus sit, animo non redeundi, aut à Pontifice revocetur,



T

TITU-